

**LITERATURA.** Antolatutako hitzaldiak emateaz gain, omenaldia egingo diote idazle hernaniarrari

# Gabriel Celaya gogora ekarriko dute haren heriotzaren X. urteurrenean

‘Poesia etorkizunez betetako arma da’ sinposioa egingo da hurrengo astean Donostian

Julen Etxeberria | DONOSTIA

Gabriel Celaya (1911-1991) idazle hernaniarra hil zela hamar urte beteko dira aurten, eta berak eginiko lana gogora ekarri nahian, hainbat ekitaldi antolatu ditu datozen hilabeteetarako Gipuzkoako Foru Aldundiak, Koldo Mitxelena Kulturunearen eta Deustuko Unibertsitatearen laguntzaz. *Poesia etorkizunez betetako arma da* Gabriel Celayaren oroitzapenezko sinposioa izango da horien artean aipagarriena.


Sinposioa Celayaren lana ezagutzeko gogoia duten irakasle, ikasle eta pertsona ororentzat prestatu dute, eta unibertsitateko irakasle adituak eta poetak Celayaren lanaren alderdi esanguratsuenak aztertuko dituzte hitzaldietan.

## Gabriel Celayaren lanaren inguruan adituak

Gabriel Celayaren lanaren berezitasunak aztertuko dira *Poesia etorkizunez betetako arma bat da* sinposioan. Hala, idazle hernaniarrak landutako poesia, antzerkia eta saiakeraz gain, berak jorratutako aspektu teknikoaren inguruan ere hitz egingo da. Horretarako, Espainiako eta Euskal Herriko hainbat poeta, irakasle eta aditu Donostian izango dira. Horien artean Fanny Rubio idazlea eta Antonio Chicharro Granadako Unibertsitateko literatura irakaslea dira. Celayaren lanaren inguruan hainbat liburu idatzi dituzte biek ala biek. Sinposioan, Celayak aldizkari literarioekin eta saiakerarekin zuen harremanaz hitz egingo dute. Eugenio de Nora Espainiako gerraren ondoko poesia sozialaren ordezkari nagusietako bat da, eta Celayaren obraren balantze bat egingo du.

Bestetik, Jesus Mari Lasagabaster literatur kritikoak Celayaren antzerkiaren inguruan hitzaldi bat eskainiko du, eta Jose Angel Askunze katedratikoak Celayaren alderdi poetikoa aztertuko du. Hitzaldiez gain, poesia emanaldi bat ere izango da, Pello Zabaleta itzultzailearen parte-hartzearekin, eta jardunaldiak amaitzeko omenaldi bat egingo zaio Celayari.

Elena Barrena Deustuko Unibertsitateko dekanok eta sinposioaren koordinatzailea «harro» azaldu zen instituzioek eginiko



EGUNKARIA  
Gabriel Celaya, *Hastapenak* bere liburua eskuetan duela.

lanaz eta «bai historia bai oroitzapena gordetzeko unibertsitateak duen konpromisoa» azpimarratu zuen. Celayaren liburutegia Gipuzkoako Diputazioak erosi zuen, poeta hil aurretik.

renganako duen konpromisoa» azpimarratu zuen. Celayaren liburutegia Gipuzkoako Diputazioak erosi zuen, poeta hil aurretik.

lanaz eta «bai historia bai oroitzapena gordetzeko unibertsitateak duen konpromisoa» azpimarratu zuen. Celayaren liburutegia Gipuzkoako Diputazioak erosi zuen, poeta hil aurretik.

## EGITARAUA

### ASTEAZKENA, APIRILAK 4

**17:00:** Gabriel Celaya eta aldizkari literarioak. Hizlaria: Fanny Rubio (idazlea)  
**18:00:** Gabriel Celaya eta saiakera. Hizlaria: Antonio Chicharro (Granadako Unibertsitateko literatura irakaslea)  
**19:00:** Poesia emanaldia: Celayaren maiteak. Parte-hartzaileak: Pello Zabaleta, Lurdes Lekuona biolontxeloan lagun duela

### OSTEGUNA, APIRILAK 5

**10:00:** Gabriel Celaya eta Norte. Hizlaria: Juan Manuel Diaz de Guereñu (irakasle eta idazlea)  
**11:00:** Gabriel Celayaren metrika. Hizlaria: Antonio Carvajal (poeta)  
**12:30:** Gabriel Celayaren obraren egungo balantzea. Hizlaria: Eugenio de Nora (poeta)  
**17:00:** Gabriel Celayaren lehen aldi poetikoa. Hizlaria: Jose Angel Askunze (katedratiko eta saiakera egilea)  
**18:00:** Gabriel Celaya eta arte plastikoak. Hizlaria: Juan Perez de Ayala (arte komisarioa)  
**19:00:** Gabriel Celaya eta antzerkia. Hizlaria: Jesus Maria Lasagabaster (literatura kritiko)

### OSTIRALA, APIRILAK 6

**09:00:** Gabriel Celaya, inkisidore. Hizlaria: Jorge G. Aranguren (idazlea)  
**10:00:** Gabriel Celayaren literatur harremanak. Hizlaria: Luis Garcia Montero (idazlea)  
**11:00:** Gabriel Celaya, literatur asaldura. Hizlaria: Sabina de la Cruz (Literatura irakaslea)  
**12:30:** Omenaldia: Celayaren alargun Amapro Gaston, Xabier Lete eta Elena Barrena Deustuko Unibertsitateko dekanok. Celayaren *Poesia Guztiak (I)* aurkeztuko da.

Ekitaldi guztiak Koldo Mitxelena.

## ZINEMA

### Antonio Mercero zuzendariaren lanaren inguruko liburu bat kaleratu dute

Agentziak | GASTEIZ

Antonio Mercero zuzendari eta gidoigile lasartearrak *El humor y la emoción: el cine y la televisión de Antonio Mercero* liburuak aurkeztu zuen atzo Gasteizen. Liburuak Jose Luis Rebordinosek, Carlos J. Plazak, Jesus Angulok, Carlos F. Herederok, Jose Javier Esparzak, Dolores Devesak eta Alicia Potesek idatzi dute eta Vital Kutzako Fundazioko Euskal Zinemaren Asteak kaleratu du.

*El humor y la emoción: el cine y la televisión de Antonio Mercero* liburuak Antonio Mercero zuzendariak telebistarentzat eta zinemarentzat eginiko lanaren inguruko kapitulu bat, berari eginiko elkarbizketa bat, bere filmografia eta bere lanaren inguruko zenbait testu ditu.

### Euskal zinema

*Verano Azul* eta *Farmacia de Guardia* bezalako telesailen zuzendari eta gidogileak, halaber, gaur egungo euskal zinemaren inguruan hitz egin zuen bere liburuaren aurkezpenean. «Oso film onak egin ziren aldi bat egon zen, baina nire ustez gaur egun laguntza ekonomikoaren planteamendu bat falta da, eta horrek aurrera eramanez nahi diren proiektuak mugatzen ditu», esan zuen Mercero.

**Altzoko Udala**  
IRAGARKIA

Altzoko Arau Subsidiarioen Elementu Aldaketa: Aurrerapena edo Abantzearen onespina.

Altzoko Udalak 2001eko martxoaren 27an eginiko Osoko Bilkuran Altzoko Arau Subsidiarioen Elementu Aldaketaren Abantzea onartu zuen, Arkitektura Estudioa O.E.ko arkitektoak diren Juan Herrarte Azpeitia, Gaizka Perosterena Arregi eta Joxean Azkue Arrastok idatzitako moduan eta jendaurreko erakusketan jartzen da. Hirigintz Planeamenduko Erregelamenduaren 164. artikuluekin bat etorritik, interesatuek beren iritzia eman ditzakete ondoren aipatzen den eran:

a) Abantzearen dokumentua aztertzeko lekua: Altzoko Udala Idazkaritzan, bulego orduetan.

b) Aztertzeko eta kasua balitz iritzia emateko epea: Iragarki hau Gipuzkoako Aldizkari Ofizialean argitaratzen den biharamunetik kontatzen hasi eta 30 egunetako epean.

c) Irizkiak aurkezteko bulegoa: Udala Erregistro Nagusia.

Altzon, 2001eko martxoaren 28an.  
Alkateak,  
Xabier Galarraga Zabala.


## GIPUZKOAKO HAUR KANTARI 20 TXAPELKETA 01

hiru ekitalditan gauzatuko da:

1. AZKOITIAN martxoaren 31an, larunbata, Baztartxo Aretoan, 17:30etan (kanporaketa).
2. VILLABONAN apirilaren 7an, larunbata, "Gurea" Zinema Aretoan, 17:30etan (kanporaketa).
3. TOLOSAN maiatzaren 5ean, larunbata, Leidor Aretoan, 17:00etan (Gipuzkoako finala).

IZENA EMATEKO azken eguna, martxoaren 20a

Anima zaitetz!



Manuel Iekuona Kulturetxea  
Donibane kalea z/g - Telefaxa 943-493842  
Sakeleko telefonoa: 656-708446  
E-posta: kantuzale@euskalnet.net  
20180 Oiarzun (GIPUZKOA)

